

南  
州  
草  
堂  
集

南州草堂集卷九目錄

古今體詩

出都留別諸同人二首

九月七日泊舟張家灣口占

贈長蘆運使秦補念前輩

贈陳總戎

曉過青縣

博河驛

夢前韻作移居圖贈田綸霞使君

有序

舟過濟寧追悼鄭確菴孝廉

枕上偶占

哭潛兒

舟行

小崑山晚泊

贈少保楊元凱大將軍四首

魯謙菴太守招飲賦呈二首

戲題友人小照

董榕菴貽詩招飲率此奉酬

飲張梅巖園亭賦贈

贈曹十經

訪張帶三先生園居有作

題杏花春雨圖送沈賁園遊燕

題畫當歸花

飲心在齋中賦催牡丹絕句二首

陸蘭陔招飲秀林草堂賦贈

盧文子林安國高季真招同董朗石朱雪田  
諸公讌集東皋雪堂堂故漢陽太守孫雪  
居舊宅也

索雪田畫扇

張帶三招飲賦贈兼示玉樹

贈晚芳女史三首

畱別魯謙菴太守六首

題趙承哉小照二首

登丹鳳樓和楊鐵崖原韻

題沈石田畫二首

讀友人新詞

曹彙初九和世宏艾玉立疇定趙翰臣承哉

姚子遜冒雨招同周鷹垂漱六公讌陸鶴

坡竹素堂揆韻得先字

天馬山晚泊周鷹垂留飲園莊卽事二首

晚步橫雲山麓有懷九峰主人兼悼南陽先

生

典裘歌爲余佺廬中丞賦

悼內二首

白蓮

牽牛花

送汪舟次同年奉使琉球二首

南州草堂集卷九

吳江徐 鈞電發著

詩橐

古今體

自壬戌九月至癸亥十月止計五十八首

出都留別諸同人二首

纒乞臣身上野航青山鴉路送歸裝  
天邊蒼隼翻雙翮驛路丹楓帶晚霜  
自惜茶鐺兼藥裹誰從蟹舍問漁莊  
編摩未了終須報漫說投閒喜欲狂  
金門三載滯微官暫假君恩歲月寬  
穩臥但教求罷直不才敢擬共彈冠  
鈞天樂響曾同聽竹箔蠶眠只獨看  
京雒故人能見憶鱸魚應料及盤餐

九月七日泊舟張家灣口占

偶乘采藥問歸舟心逐江雲共水流  
回首春明門外路蕭疎雙鬢幾經秋

贈長蘆運使秦補念前輩

當代文章譽最優十年簪筆重坳頭  
偶從餌藥尋丹竈幸得開顏拜碧油  
冰鑑舊曾推朗照國儲今喜借前籌  
湘沅一帶多香草節鉞從茲擁上游

新羅楚中參藩

贈陳總戎

玉帳風吹刁斗間家傳忠孝本秦關  
天朗舊有形弓錫內府新看虛矢頒  
奇計遠追陳曲逆壯猷早



奏賀蘭山津門疊鼓霜清夜緩帶從容任往還

曉過青縣

秋淡白露至楊柳尚蒼蒼廢竈炊煙黑顏垣夕照黃  
宦塗防九折史筆媿三長漸覺神京遠無勞望故鄉

博河驛

遙山如黛染平蕪楊柳絲絲入畫圖不似江潭搖落  
早晚煙淡處好藏烏

學前韻作移居圖贈田綸霞使君

有序

綸霞使君向在長安爲移居詩和者雲  
集余亦曾賡一章曩時卽索余作圖許

之已三年矣忽忽未就今以移疾南歸  
兀坐篷窗見兩岸楓林霜染爨煙老屋  
歛斜道左恍如置身圖畫遂乘興作此  
貽之使君并再疊前韻題於卷尾不自  
計詞之工拙也

使君昨日回使車網羅竹箭貽 天家紅橋置酒  
夜讌客苾鞋白帽隨腐屨驅使先秦并兩漢下視  
屈宋猶官衙文詞籍籍江山助題詩曾滿玉鉤斜  
余時苦飢同曼倩嶺漫愁看禁苑花朝攜藥鏞共  
茶具楓林霜染寒棲鴉糞歲許君弄煙墨手懸十  
指如槌搗爲寫幽巖傍茅屋北窗高臥思羲媧

舟過濟寧追悼鄭確菴孝廉

已酉冬日余客任城與孝廉相晤燈殘  
月落爲余言弘光時宦江南親見高傑  
與黃得功爭揚州事甚悉別去忽逾十  
載余因索光騮棧未及時相聞問今春  
令子鷺輝以孝廉自誌生壙及行狀來  
徵余作傳始知於前年六月長逝矣爲  
之潸然出涕又數月余請假南歸道經  
濟上追念舊遊不勝酒壚之感爲賦七  
言長句

龍臥江湖歲月遷思君淚落酒壚邊每憐漂泊三

千里曾話滄桑四十年折戟沈沙駒過隙題襟著  
屐草如煙幾回重到南池路愁煞難逢老鄭虔

枕上偶占

滿江黃葉白蘋花過盡寒流點暮鴉歸夢曉風殘  
月後一帆秋水似南華

哭潛兒

腸斷韓侯祠下路一從歿別哭朝昏瑜環璧珥歸  
何處夢去終須識汝魂

舟行

郵路陰濃蕩槳遲數聲鶉鴉雨如絲扁舟重向五  
茸去好趁黃魚任少時

余十年不  
至茸城矣

小崑山晚泊

艤舟崑山陰谷水淨如練二陸有荒祠竈變非舊  
觀裴回讀書臺落日下鳧鴈炎漢旣銷沈赤烏時  
代變如何宦遊子入洛情縷縷傷哉鶴唳聲華表  
魂空見因思張季鷹尊鱸真足羨

贈少保楊元凱大將軍四首

百戰梯航鬢未霜指麾談笑靖南荒陣雲起處低  
鵝鸛香霧濃時炙鳳皇三泖春淡鷗易狎九峰雨  
潤草初長帝思楊僕專征久猶藉威名奠海疆  
閩海戈船舊日移鏡歌近喜息熊羆十年屢破虛  
循島一著全收安石碁晝暖水香餘膾饌日長花

發賦將離懸知斗印通侯貴誰似勛名勒鼎彝  
幕府霜清刁斗傳入春花氣漲南天高懷自寄壺  
觴內鄉夢頻移甕射邊弩近海潮銷鱷浪戈回下  
瀨轉樓船遐方白雉年年入盧矢新分帶紫煙  
歲弓盛世銷兵日洗甲還看奏玉笙雪後錦裘行  
野外花時小隊出葺城椎牛自有錢刀散壘鼓曾  
無越女驚更道將軍多暇日論文時召魯諸生

魯謙菴太守招飲賦呈二首

一郡絃歌吏若仙乘春乍泛泖湖船久思飛蓋分  
符日恰值停車賜沐年政薄淮陽能臥治書從宛  
委是親傳由來奏績推經術誰似文章太守賢

香銷鈴閣雨初晴。膾入銀絲佐酒觥。三載吳人羣  
賣劍十年海戶盡。歸耕式閭每愛熊幡。至按部爭  
諠竹馬迎。猶喜文翁開講席。春風絃管繞諸生。

戲題友人小照

潑眼紅蕖初出水。撩人楊柳又含煙。風光似此真  
難得。可許從君一醉眠。

董榕菴貽詩招飲率此奉酬

及此花飛日。尋君話旅愁。只憐三月雨。枉煞九峰  
遊。軼事奚囊載。新詩屐齒收。榕菴著說部一書一  
兼示山遊諸詠

尊消客醉。鮭菜足淹留。

飲張梅巖園亭賦贈

亞字闌干著水齊得逢朋舊喜相攜  
菰苗漸長魚吹沫花簾新除燕蹙泥  
苔色侵衣鳥語細茶香入座  
篆煙低絕憐檀板清尊夕往事尋  
思意已迷

前飲梅鼓園中有侍史晚芳在坐余曾賦一絕贈之

### 贈曹十經

一春花事已闌珊猶喜逢君似建安  
今日茸城風雅在繡牀禪榻有多般  
君家道韞更能詩嬌女還看似左思  
消得幾丸螺子墨水晶簾內寫烏絲

### 訪張帶三先生園居有作

閒訪葛巾過野市似逢耆舊在襄陽  
臨風誓墓扶



筇健對酒看花著屐忙千里尊羹情偶寄五湖鮭  
菜興難忘義熙人物香山老回憶華清夢幾場

題杏花春雨圖送沈賁園遊燕

暫辭鱸膾別江鄉去索爐頭易酒嘗撩亂杏花春  
雨後應教瘦盡沈東陽

題畫當歸花

藥闌已謝蘼蕪繞綠暗紅鶯興未賒夜夜子規聽  
不得分明寫作斷腸花

飲心在齋中賦催牡丹絕句二首

冶習難忘賭酒來錦茵容得醉千回頻敲羯鼓觥  
船覆催取名花次第開

急雨顛風過一春亂紅飛絮打頭頻攜來臘釀花  
邊醉不用陶家漉酒巾

陸蘭陔招飲秀林草堂賦贈

爲愛神龕峰下住盛時早已乞閒身赤烏舊事思  
銅狄綠蟻新篋待葛巾窈窕溪堂花片片紆回岸  
屋水粼粼慣嘗櫻筍年年熟無俟秋風憶紫尊

盧文子林安國高季真招同董朗石朱雪

田諸公讌集東皋雪堂堂故漢陽太守

孫雪居舊宅也

雨晴天氣泛輕舸快爰相攜屬建纛羣屐心情憐  
鶴髮藥闌詩句愛離騷已無紅豆歌將歇賴有清

尊興轉豪詞客開元久寂莫猶傳勝事滿東皋

索雪田畫扇

久傳宗伯煙巒潤似爾丹青世所無  
乞得蛛絲并煤尾爲余閒寫菊莊圖  
春江約取畫圖間綠染香蘅翠染髮  
布韞芭鞋休更著攜來不用買溪山

張帶山招飲賦贈兼示玉樹

柳色巒光翠欲重扶筇看徧幾芙蓉  
吟詩未許尋丹竈采藥居然似赤松  
醉後欲騎蓬島鶴夢回曾憶景陽鐘  
綵衣邇下能娛志酌酒光浮琥珀濃

贈晚芳女史三首

亂落楊花四月天，子規啼煞綠窗前。  
雲鬟卸盡妝臺側，似比枝頭倍覺妍。

回眸翦燭太慙生，莫訝狂奴獨有情。  
記得當筵歌

一曲十年紅豆尚分明。

十年前曾於梅巖座中聽晚芳歌曲

短籬曲徑指君家，臨水花飛似若邪。  
綠酒未霑心已醉，欲迎桃葉怕風斜。

畱別魯謙菴太守六首

仲連高誼空千古，太守文章重一時。  
取次鶯殘燕乳後，筵開官閣喜題詩。

采藥歸來問故鄉，偶從蘭漿下橫塘。  
余山筍熟黃魚美，較是豬肝味更長。

別開講舍號扶風玉柱朱絃衆所崇日夕生徒羅

絳帳懸知化俗有文翁

時建扶風書院延  
廣文訓習士子

秋風昨歲憶尊羹暫聽華亭鶴唳聲欲向廉泉分  
一勺春波不及使君清

畫簾晴晝敞清虛琴瑟蕭閒自著書行見竹垞

謂朱

子錫

如問訊爲言塵釜更生魚

廿年紅藥擅詩名雙鹿今看擁臆行萬點花飛邨  
路暗一時抗手最關情

題趙承哉小照二首

箕踞科頭別有神閒來自不整衣巾羨他修竹長  
松下梅踏東華輓土塵

苗裔豈是趙承旨  
流水行雲柰爾何  
只恐宮槐開  
放日投身未許狎鷗波

登丹鳳樓和楊鐵崖原韻

樓在上海縣東北天妃宮宋咸

淳中幾後燬明萬曆間里人秦侍御嘉楫檣城樓爲之

危樓千尺傍雲梯  
簾卷晴空雉堞齊  
丹鳳朝飛銀漢接  
蒼鯨夜吼海天低  
潮聲欲落青鸞杳  
樹色全荒杜宇啼  
笑問三姑尋弱水  
長川東注幾曾西

題沈石田畫二首

輕帆昨過泖湖東  
一路青山似畫中  
偏愛石田奇絕處  
丹崖翠壁起秋風

屋作茅茨水作鄰  
前山木脫感蕭晨  
倘攜筇杖從

茲去只少先生墊角巾

讀友人新詞

春申浦畔柳吹綿題罷紅窗思惘然白苧新詞誰  
第一輸君才調似屯田

曹彙初九和世宏艾玉立疇定趙翰臣承  
哉姚子遜冒雨招同周鷹垂漱六公讌  
陸鶴坡竹素堂揆韻得先字

佳客逢良讌衝泥勝事傳冷風吹杏火急雨響荷  
錢酒向溪杯賭碁爭一著先盛時無洛蜀裙屐想  
前賢

天馬山晚泊周鷹垂留飲園莊卽事二首

平原邨下路繫艇倚蘆碕嫩篠抽篁瘦潛魚咽露  
肥堂空鶴是爰樹老蘚爲衣十畝荷香靜開尊不  
放歸

小築劔溪側干將舊有名紅鮮新斫膾綠蟻乍聽  
鶯選石思垂釣鉏煙話偶耕他年謝簪紱切莫忘  
鷗盟

晚步橫雲山麓有懷九峰主人兼悼南陽  
先生

巉巖插笏紫藤纏宦海仙蹤了宿緣如此溪山歸  
未得頭網八餅也徒然

典裘歌爲余佺廬中丞賦



江南財賦推三吳頻年水旱厯 廟謨 帝簡重

臣秉節鉞持斧破柱驥天衢肅清箕斂罷鞭算雨  
淮民力今來蘇朝逢露布馳閩粵樓船十道回瑯  
戈長年牽纜停水驛兕犀絡繹煩虎符篙滑櫓柔  
耐冰雪裸衣露肘羣號呼中丞按部過淮甸一夫  
不獲滋嗟吁道傍飢餓曷早恤千狐之腋胡爲乎  
一裘蒙茸亟典粥已飢已溺心焚如怛惻皆緣切  
民隱寧曰市恩徒區區君不見中丞昨歲開棨戟  
男樂耕耘女勤織畫檝曾無簫鼓催館娃終埽吳  
孃迹里社家家負荒來雉雒朝朝藏穗麥東南從  
此被陽春太平豈謂無長策

悼內二首

魂歸碧落渺何依  
玉鏡臺空事已非  
莫道從今傷  
灰別廿年強半是生離

絕域生香事有無  
空餘山上長藤蕪  
忍從妝閣看  
遺挂昨歲西河淚已枯

白蓮

仙姿綽約綠雲濃  
十里銀塘素舸逢  
一片水晶簾  
額卷小紅橋下澹秋容

牽牛花

翠翹低挂曲籬傍  
愛向朝雲鬪曉妝  
怪底秋河常  
作伴一生都未見斜陽

送汪舟次同年奉使琉球二首

大小琉球國微茫一氣中  
神魚曾跋浪海鳥欲占  
風玉檢金泥秘牙檣絳節崇  
殷勤宣卉服傳語到  
蛟宮

萬里扶桑外滄波正窈冥  
乘槎來屬國啣詔出  
彤庭日月吞舟楫魚龍護  
使星歸來志山海重與  
續圖經

南州草堂集卷十目錄

古今體詩

江口曉發

題桃葉渡

金陵道中

宛陵道中追悼同館施愚山先生

有感

望九華山

重過皖江

東流晚泊

小孤山

湖口阻風

舟過彭澤

舟過匡廬未能躡屐悵然作歌

彭蠡湖

鞋山

湓浦

滕王閣

南昌除夕和孟釋來宮諭韻

甲子元旦

江上喜晤查王望憲副

夾江

吉安

十八灘二首

舟過贛石有懷丁鴈水觀察

飲鮑參軍子韶齋中卽席口占二首

度大庾嶺用棠邨先生韻二首

始興道中

韶陽

峽山寺二首

三水道中遲孟繹來宮諭不至有懷

贈蔣莘田大參四首

呈制府雷邨吳公

于子先學使招飲卽席賦贈

題吳蘭次太守畫冊四首

題響泉廊爲石濂禪師賦

題懷古樓

施濂侯別駕以珍珠蘭鮮荔枝見貽爲賦二絕

戲簡王孝揚將軍

送別吳采臣觀察

爲蘭次壽馬少君

題王夫人殉節傳後二首

贈李華西郡丞

五月十二日李西華郡丞招同吳青壇同館

暨韓大令遊玉屏巖諸勝

韓公吉觀察招同吳青壇小飲仍用茵次太

守雯光讌集原韻卽席賦呈

次韻送別孟繹來宮諭

送宋嶂菴之龍巖戎幕

秋日制府吳大司馬招同鄭珠江前輩吳茵

次太守宋嶂菴大令鮑子韶參軍吳彤本

茂才讌集錫祉堂卽送余東歸同限一東

韻

再疊前韻畱別席間諸公



次韻奉贈吳湖州茵次

雨中登閱江樓眺望

峽口道中與朱綺園共載卽次見贈原韻時

朱年已七十三矣

同孫赤崖遊觀音巖和原韻

彈子磯

歸次南安有作

南州草堂集卷十

吳江徐 鈞電

詩彙

古今體

自癸亥十一月至甲子十一月止計六十三首

江口曉發

日抱龍鬣出江晴萬里來冥冥煙霧散葉葉布帆  
開潮打沙痕蝕霜濃畫角哀鄉心纔一夜雙鬢莫  
教催

題桃葉渡

笛聲三弄有誰邀青鬢都從南浦消  
渡一名南浦 愁煞  
橫江空斂翠年年草綠上裙腰

金陵道中

冶城西去戒舟航回首長于路渺茫廢壘全荒吳苑樹危檣漸入楚人鄉白蘋邨郭環沙岸金粉樓臺賸夕陽多少新亭餘涕淚青山總不管興亡

宛陵道中追悼同館施愚山先生

曠望雙溪遠岫孤朱絃寂莫悵如何宛陵詩法從

茲少濁世交情獨爾多華髮有人悲宿草

謂石臺其年晴

巖諸

青山無恙挂藤蘿回思把酒憐同直誰料壚

頭淚眼過

去秋余與宮聲昭子前後講及出都先生悵然因賦詩送余云同直先生遊看漸

少較書卒業計如何

有感

陵陽江上水潺潺難覓萑蒲駐好顏一望蒼然盡  
平楚逢人怕問敬亭山

望九華山

霜篷曉挂水溶溶秋浦猿吟樹幾重解道澄江如  
練淨鏡中曾照九芙蓉

重過皖江

珠宮依舊俯城隈多少殘碑沒草萊故壘煙荒人  
迹斷霜笳晴弄客帆開地連皖口山無數潮落樅  
陽水自哀悵悵涪翁亭下路廿年曾記此重來

東流晚泊

客遊憐歲暮小艇泊孤城衰鬢從教白寒江只自

清煙昏迷虎落風急響鼉更曉挂潯陽席郵籤第  
幾程

小孤山

輕帆朝破浪遙望小姑祠黛色煙鬟亂潮痕積蘚  
滋靈旗飄樹杪怪石俯階墀來往神鴉集江天杳  
靄時

湖口阻風

點點寒林黛色收神鴉社鼓滿汀洲小姑也解畱  
人住故遣蒲帆滯石尤

舟過彭澤

地近柴桑里人傳陶令名江聲寒到岸山勢迴臨

城蓮社招難入  
籃輿舁自行  
肯緣五斗粟  
遂使督郵輕

舟過匡廬未能躡屐悵然作歌

曾聞謫仙人  
仗策凌滄洲  
爲作廬山謠  
願接廬敖遊  
茫茫天地一  
壯觀石梁倒  
挂銀河流  
盪冒盤腸已  
數載拍手未  
得尋丹丘  
去年暫謝承  
明直欲從采  
藥揆奇幽  
片帆西掠如  
勁鶻湖口乍  
買虔南舟  
溟蒙曉挂潯  
陽席失喜五  
老青煙浮  
遙思白傅草  
堂舊香爐  
瀑布垂簾鉤  
更愛遠公結  
蓮社虎溪吟  
嘯窮冥搜衣  
冠累代今寂  
莫洞口白鹿  
時呦呦山  
腰出雲山頂  
日老僧強半  
忘春秋整衣  
擬躡康樂

展天風蓬勃難淹畱山靈揮手自茲去祇餘黛色  
船窗收

彭蠡湖

雲帆西指杳茫茫彭蠡湖寬接大荒倒影嵐光疑  
九疊平分水勢似三湘鼉更乍轉魚龍靜鴈陣空  
排蛇鳥長今古銷沈多戰伐誰從遺廟問康郎

鞋山

盤硬濤聲急逃離黛色濃青天遺鳥影白浪蹴危  
峰髣髴巨靈迹虛無神女蹤回頭揖五老應共駕  
茅龍

湓浦

茫茫溢浦片帆飛  
瑟瑟蘆花隱釣磯  
往事青衫都濕盡  
不逢商女也霑衣

滕王閣

閣於去年新燬

滕王高閣昔年開  
廢址徒存半草萊  
畫棟摧花落後珠簾不見燕  
飛回低迷遠鴈寒蘆集鷺起沙鷗  
鐵笛哀詞賦千年餘劫火更無人似子安才

南昌除夕和孟繹來宮諭韻

殘雪東湖又除孤燈寂莫長何如  
椒花有夢悲鸞鏡錦字無心託鯉魚  
貪聽林鴉甘計拙愛看櫪馬媿才疎  
因思前歲京華任翻覺團團似里閭

甲子元旦



作客欣逢異地春。起聽爆竹倍愁人。東風乍起仙  
萸瑞。華髮從教旅鬢新。燈火千門嫌戴勝。菜羹七  
種遠含辛。嶺南花鳥行堪戀。采藥差強萬里身。

江上喜晤查王望憲副

欲劈南荒荔子紅。喜從江上接和風。外臺此日聲  
偏重。梧省當年譽更隆。立起瘡痍回掌上。坐安反  
側置懷中。時有兵變憲副宣  
布德威立時解散思歸縱有煙霞僻。其

柰蒼生屬謝公

夾江

夾束江逾急。沙圍殘堞存。林深虎多迹。山冷翠常  
門。野樹重遮塢。泉流曲抱邨。孤舟一線入。嵐氣變

朝昏

吉安

今古名賢地荒涼  
堦影重灘危殘壘廢草沒講室  
封月吐金船嶺雲高  
席帽峰廬陵傳舊宅何處問  
遺蹤

十八灘二首

萬壑千峰送客舟  
槎牙怪石水交流  
嶺猿莫更啼  
溪樹只聽灘聲已白頭

急篙轉側觸盤渦  
水底峻嶒石筍多  
莫到灘頭說  
惶恐于今平地更風波

舟過贛石有懷丁鴈水觀察

時觀察方齋表入都

度南風土佳厓谷被香草使君前歲來畫角吹清

曉恰當戎馬後瘡痍疾如埽坐嘯闢甃園

園爲馬水新築

前甃園但如諸說

披拂惠風早余來挂孤篷日出正杲杲

方冀從君遊搗詞鬪娟好何期入炎荒川原復擾擾未結林塘歡但聽鷓鴣烏蒼蒼鬱姑臺無從一登眺人生能幾何會而常苦少思君迫王程雙旌又嫋嫋

飲鮑參軍子韶齋中卽席口占

鷓鴣啼處樹參差恰值雙江小泊時偏喜參軍能醉客佛桑花下一畱詩

鬱孤臺畔翠螺堆杳靄江天冥色來說到嶺南花

鳥勝一尊白墮片帆開

大庾嶺用棠邨先生韻二首

松夾道翠屏開盤磴千層曲幾回鳥徑草淡蠻  
口寺門雲鎖瘴煙來鄉書欲寄無歸鴈驛使難  
逢嶺梅十載炎荒銷戰伐勳名誰似伏波才

休沐君恩得暫閒身輕躡屩上梅關捫蘿遙指  
千層瀑采藥還梯萬仞山鳥聽鞦韆靄內嶺銜  
樓觀畫圖間越裳消息無勞問翡翠今仍進百蠻

始興道中

始興江口路帆挂雨冥冥榔實紅潮潤椰漿客醉  
醒灘橫斜似黛嵐濕遠含青鍾乳何年滴玲瓏戶

半肩

邑有玲  
瓏巖

韶陽

韶石含呀出參差雉堞低野雲方漠漠江草復萋  
萋葉密枕榔榔暗林昏翡翠迷南華香一瓣何處問  
曹溪

峽山寺

一名飛來寺寺有歸  
猿洞定心泉諸古迹

無數藤蘿滿舊山洞門幾曲水潺潺一聲長嘯歸  
何處零落塵中碧玉環

石堂雲鎖蔓含煙榕葉陰中紺宇懸寂莫蕭梁遺  
古迹更誰洗鉢定心泉

三水道中遲孟繹來宮諭不至有懷

徙倚孤吟落照邊沙平峽盡一帆懸僧居竹柵圍  
寒橘樹雜枕榔障海煙蠶種水浮誼去權侏離人  
語問來船計程何日衝江雨遲爾茂林聽杜鵑

贈蔣莘田大參四首

三年擁傳尉陀城銅鼓天南正罷兵炎嶠樓船爭  
輓粟蠻方蛋戶早歸耕枕榔露滴丹厓古瑋瑁煙  
消畫槳輕善後祇今須石畫好將封事荅承明  
追憶輶車出上都青門折柳酒頻酌輕裘衆比羊  
開府直節人推汲大夫黎母香中春雨暗珠孃權  
裏瘴煙孤漢庭早晚思前席應記流民鄭俠圖  
節旄乍控五羊偏雉入遐方已隔年按部但教收

駮駟寒帷尤喜化鷹鷂椰漿客醉南人俗翠羽潮  
來異國船蜃氣全消爭買犢珠江花鳥故依然  
擬揆使節瘴江濱萬里閒來采藥身久識鐵冠尊  
御史更聞金鑑重詞臣長鯨已息曾無害廉石堪  
攜豈厭貧自笑追陪情轉切因君忘却故園春

呈制府畱邨吳公

翠壑丹厓萬仞懸牙旗玉帳控南天指麾早洗長  
鯨窟節制初回下瀨船椰子拂衣輸熨布丹蕉垂  
露問花田 廟謨無事煩南顧已有鴻歸瘴海邊

時朝廷遣大臣  
同督撫巡視海疆

于子先學使招飲卽席賦贈

天將文教訖遐陬故遣炎荒絳帳畱奇字喜看龍  
變幻春風愛聽鳥鞞鞞不愁翡翠明珠少自有珊  
瑚鐵網收猶記河梁多秀句於今吟上五層樓

題吳蘭次太守畫冊四首

青鏤一束繫人思曾侍長楊出每遲鳳尾檀槽零  
落盡宮娥猶記譜新詞

當年畫省擅才華小杜風流未足誇今日鬢絲禪  
榻畔有無情緒憶瓊花

白蘋洲上草萋萋無數棠梨繞舊隄爭道使君行  
部去至今歌舞滿前谿

吳均體製偏能健謝客登臨興倍饒寄語康山讀



書處舊時猿鶴未須招

題響泉廊爲石濂禪師賦

香浦細泉入雲歸無處尋閒來時倚杖流水悟禪心

題懷古樓

尉陀臺已廢臨眺轉淒涼無數興亡事消沈付夕陽

施濂侯別駕以珍珠菌鮮荔枝見貽爲賦

二絕

嶺南四月暑侵人鋪就桃笙去錦茵貽我芳蘭堪作佩因君臭味轉相親

欲從采藥酌貪泉正值蕉紅雨後天堪笑豬肝累  
安邑何如飽食荔枝鮮

戲東王孝揚將軍

轅門吹角曉烏烏榕綠蕉紅樹色鋪劈就彩箋曾  
祓禊歌殘白苧更樗蒲已無銅柱春潮激臙有樓  
船海月孤聞道將軍能醉客幾時花下一投壺

送別吳采臣觀察

與君握手意差強其柰分攜瘴雨鄉叱馭幾年驚  
噩夢回車此日歎羊腸紅牙按拍憐湓浦翠嶂啼  
猿問楚湘時采臣欲從楚中回和州莫道嶺南花鳥異遺民猶

解頌甘棠

爲蘭次壽馬少君

橫塘飛絮滿遙汀，鵲腦香熏雲母屏。  
刺史柔腸談往事，少君蹤迹感芳齡。  
紅窗乍返麻姑駕，銀海初回織女星。  
應有雙成調錦瑟，水天明月捧仙醺。

題王夫人殉節傳後

有序

王夫人者順天宛平人，永寧侯之媳，左軍都督同知王君蒼錄之妻也。崇禎甲申三月十九日，賊陷京城，夫人召二子肇、桓、肇、極、二媳馬氏、鞏氏及幼孫女六人同至後園井側，北向拜哭曰：「吾王氏乃孝靖皇太后外家，光宗、熹宗及今

上皆所自出吾翁以親封永寧侯吾夫  
官都督於外賊可謂貴盛矣今國亾家  
破闔門殉難以報皇帝遂相率投井歿  
井水盡赤賊去後淘之改葬玉泉山側  
顏色如生南海屈大均傳其事

宮門遺矢血猶腥貴戚天家喪永寧香骨自從埋  
智井有誰麥飯哭冬青

金鳧玉盃事堪悲腸斷思陵叫子規多少衣冠媿  
巾幗辦香吾欲事蛾眉

贈李華西郡丞

紅藥吟成正黑頭分符此日駐端州蠻花客醉崧

臺曉鸞雨帆開  
笏竹秋調似西崑  
彈錦瑟氣如北海  
說吳鉤幾年朱鷺  
翻新曲千騎行看  
借壯猷

五月十二日李華西郡丞招同吳青壇同

館暨韓大令遊玉屏巖諸勝

瀝湖倒寢芙蓉影  
小艇延緣欲濕衣  
幽洞水溪懸

溜滴斷厓雲鎖老  
藤圍通天殿後仙  
靈集玉皇宮後卽三

仙觀醉石巖邊鐘磬稀  
一石欹臥如石梁狀名曰醉石不是屢穿芒

屨破吾儕那免雜詩

韓公吉觀察招同吳青壇小飲仍用蘭次

太守雯光讌集原韻卽席賦呈

使君擁傳正丁年  
油幕開尊話嶺煙  
荔子船來紅

峽口素馨香放冷花田晶簾乍卷驅炎日子夜淡  
歌欲暮天客裏相逢判盡醉留賓那惜休餘錢

次韻送別孟繹來宮諭

粵秀山頭香浦邊  
揆奇每愛瀑常懸  
鷓鴣聲送花田雨  
榕葉陰遮瘴嶺煙  
割取谿雲惟載石  
吟殘好句問歸船  
臨歧執手難爲別  
愁煞溪林有杜鵑

送宋嶠菴之龍巖戎幕

怪雨盲風別五羊  
天涯歸夢繞江鄉  
如何又向龍巖去  
盾鼻題詩勒幾行

秋日制府吳大司馬招同鄭珠江前輩吳

蘭次太守宋嶠菴大令鮑子韶參軍吳

形本茂才讌集錫社堂卽送余東歸同  
限一東韻

煙銷瘴盡海天雄清興終當屬庾公沾醉難辭柳  
酒綠看花最愛佛桑紅追陪我欲同王粲參佐人  
誰似郝隆珍重華筵開瑋瑁數聲長笛想扶風

再疊前韻畱別席間諸公

視草何如倚馬雄漫隨谷口問愚公帆移鸞雨潮  
初黑客醉枕榔頰欲紅豪興未除思玉勒乘時直  
擬借豐隆旅懷同繫鄉心切江上無愁犯朔風時

次亦微  
言歸

次韻奉贈吳湖州蘭次

夢醒邯鄲已廿年，偶扶筇杖破蠻煙。久饒康樂登山屐，只少陶公種秫田。逸興屢邀炎徼月，新詞齊唱鷓鴣天。草堂貲就應歸臥，何必看囊有一錢。

雨中登閱江樓眺望

煙雨絲絲逼素秋，崧臺高聳出層樓。東分滬石雲偏接，西望蒼梧水倒流。蠻舶遠帆遲野浦，冷羊雙峽鎖荒洲。泥沙折戟悲何限，懷古偏增旅各愁。

峽口道中與朱綺園共載卽次見昭原韻

時朱年已七十三矣

筇杖扶來鶴似形，孤篷相對兩山青。欲酬逸興巖住閒話，鄉心峽口停珠海。莫須衝瘴氣，花田好



共襲蘭馨遲君早返羅浮權移得寒梅種草亭

同孫赤崖遊觀音巖和原韻

誰斲丹峰破碧苔忽畱一線洞門開法雲倒涌蓮  
爲座花雨平鋪石作臺倚檻蒼巒懸溜滴隔江煙  
艇候潮來陰厓終古神靈闕多恐潛蛟或起雷

彈子磯

天開絕壁破雲根百丈藤蘿未許捫誰挾彈丸穿  
石穴碧垂鍾乳點苔痕

歸次南安有作

秋葉蕭蕭點白萍庾闌回首亂山青客因度嶺船  
爭歇燕欲尋巢戶半扃鐵鋏攜來征戰地霜笳吹

徹短長亭劇憐萬里鄉心切嗚咽灘聲未忍聽

南州草堂集卷十一目錄

古今體詩

遊靈巖山寺

悼鶴爲道積弟賦二首

重陽前三日陸子有遵招飲山莊分賦

送沈雲步之官靈臺

哭吳漢槎

題內姪女吳應貞寫生冊子兼悼亡室二首

雪中阻風登西塞山亭子次壁間韻二首

蘄水道中

舟過黃州未及登赤壁柬蘇太守

兩過湖口俱未登石鍾山戲作長句  
排悶

與方伯石城叔

書龔叔損冊子兼示邁種二首

題毛會侯雲林歸棹圖

花朝同陳子以耕遊東園漫興六首

和黃公會侯集空香閣看梅原韻

登黃鶴樓

畱別石城公兼勸之東歸

渡黃河志感二首

過朝歌

過邯鄲題黃梁祠壁

於陵行爲長山李君賦

居易軒二首

樸園四首爲前輩張子大賦

漫興四首

端陽

題水村圖二首

奉和宗伯叔雨壇卽事二首

召見瀛臺卽事

小遊仙詩十首

題張孝子傳後

黑露

齊酒名

讀史有感賦二絕句

冬日書懷六首

白田侍讀歸舟風雪滿天囑余爲圖兼題斷句時余偕侍讀被放也

丙寅除夕

南州草堂集卷十一

吳江徐 鈞電發著

詩彙

古今體

自甲子十一月至丙寅十二月止計七十一首

遊靈巖山寺

廿年不踏靈巖路  
屐齒重扶破蘚苔  
當面好山休放過  
十分晴色趁閒來  
講堂老桂凋零盡  
塔院疎花冷澹開  
欲問道安棲息處  
一枝筇杖屢遲回

悼鶴爲道積弟賦二首

疎窻不閉閒庭月  
起覓胎禽樹色空  
記得霜天攜襍被  
曾聽清唳入雲中

古樟書屋曲池傍  
雨洗苔階剩鶴糧  
世上於今少  
真逸瘞埋能得幾  
華陽

重陽前三日陸子有遵招飲山莊分賦

愛汝谿東書屋好  
啣杯花下喜相將  
種松直欲高  
千尺疊石偏宜過  
短牆暫放閒身楓  
未老難尋舊  
雨菊初黃  
時山中舊友一  
半持謝故云  
遙憐來歲東華路  
有夢應教過草堂

送沈雲步之官靈臺

前年逆臣翻平涼  
居民半爲豺與狼  
莊浪以北多  
廢壘隴西城郭遭  
摧戕官軍分道收  
廣元六盤山  
外皆畱屯縣令催  
租供宿飽石壕吏  
散奔荒村爾



時螳賊困釜底驚鳥亂飛隨遊魂一朝天威迅  
如掃西關蠶叢芟蔓草日射晴原渭水流行人復  
入蕭關道沈郎叱馭追王尊單車萬里辭九關華  
岳清晨僊掌出似從河畔接崑崙沈郎下車訪樵  
牧陰密城邊遺矢鏃羗笛從今休更吹願種桑麻  
除苜蓿沈郎沈郎勿復愁靈臺雖小古諸侯他時  
歸獻通天表會同鷹隼摩高秋

哭吳漢槎

塞垣生入方悲汝誰料仍歸廣柳車半世已憐爲  
逐客兩年只當未還家夢殘吳苑花如霧驚斷關  
門雪似沙絃絕廣陵無覓處祇餘清淚滴秋笳

漢槎

刻塞外諸詩  
名秋笳集

題丙姪女吳應貞寫生冊子兼悼亡室二

首

謝女才華得似無不將烏爪學麻姑  
閒消螺子調香粉勝是滕王蛺蝶圖

繡閣垂簾做碧虛姪姑先後愛攤書  
班昭已歿心情減愁向人間問婕妤

雪中阻風登西塞山亭子次壁間韻二首

山在大冶縣卽張志和垂釣處也

小住孤篷西塞山最憐無計浣塵顏  
冰融野岸柴扉掩雪積江灘釣艇閒  
虎豹巖深容偃臥煙蘿徑

窄喜躋攀他年早挂朝衫去願乞桃花水一灣  
迴颺飛霰扣舷歌只欠煙波張志和欲剔斷崖藤  
故繞來尋荒碣薛難磨頭銜縱好非長策小草眞  
成愧短簑儻許醉時眠洞口也從隙地築吟窩

蘄水道中

寒煙漠漠水迢迢濁酒頻呼慰寂寥殘雪未消春

正曉東風何處綠楊橋

東坡嘗春夜行蘄水中過酒家痛飲賦西江月詞有

御鞍欽枕綠楊橋杜宇數聲春曉之句蘄水楊菊廬比部因於玉臺山作春曉亭子一時名士多爲賦之亦作話也

舟過黃州未及登赤壁東蘇太守

臨臯亭畔空回首竹杖芒鞋未許扶故壘難尋殘

照冷新詩欲賦片帆孤垂楊蘸水迷烟艇絕壁臨  
江入畫圖寄語風流蘇刺史月明玄鶴有還無

兩過湖口俱未登石鐘山戲作長句

石鐘山石極玲瓏應使米顛具抱笏髯蘇當日老  
解事扶幽探奧蛟螭窟嚼吟鐘鞞聲怒號石髓變  
幻嗟恍惚余昨扁舟掠湖口峭帆徑過未伏謁今  
逢石鐘是故人欲往從遊興尤發如何覲面反失  
之豈因岸上泥打滑非遭關吏苦索錢便畏天風  
氣蓬勃長年刺促急解維楓柁張颿不肯歇何時  
脫却塵網牽專辦芒鞋與布襪儻使山靈能笑人  
甘受譏嘲領百罰

排悶

排悶難憑酒一杯擁爐強自撥寒灰打篷急雨穿  
窻入拍水飛鳧到岸迴沙渚桺條全未放故園梅  
萼幾時開只愁宦海風波惡底事滄江浪又來

與方伯石城叔

每思齊魯昔從遊屈指流光二十秋噩夢屢驚終  
穩臥羊腸縱險不關愁藜羹常飽官厨飯蹇策曾  
騎果下騶猶記黃河阻水雪蕭蕭席帽自蒙頭

書龔叔損冊子兼示邁種二首

春帆往日傳奇句不共時流粉黛同曾記南皮盛  
賓客羣誇驥子擅江東

春帆宗伯公  
京邸齋名

韋杜家聲尺五天，才如庾鮑各爭妍。  
中郎阿大各俱擅，祖武孫謀繼昔賢。

題毛會侯雲林歸棹圖

聞道嚴陵釣艇閒，蘆花瑟瑟石苔斑。  
昨宵涼雨思歸去，爲倩倪迂畫遠山。

花朝同陳子以耕遊東園漫興六首

數間茅屋雞聲午，麥壠高低綠未成。  
一路土膏春漸發，林間布穀早催耕。

小步東園冒野煙，花朝恰喜乍晴天。  
何須更蠟看山屐，積水池塘好放船。

紫綬全拋敝屣輕，只編籬槿護柴荆。  
先生攬人雞

豚社贏得兒童拍手迎

藥欄低亞印蒼苔屋角寒梅滿樹開黃鸝磯頭無  
個事何妨日日看花來

蠻榼攜來鋪樹下炊煙一縷宛山村玉缸倒瀉嘗

春酒勝似田家老瓦盆

芒鞋只有兩人同辜負繁花次第紅笑煞陳琳工

草檄偏教二老畏頭風

時石城與黃公皆患頭風未及同遊故戲調陳子

和黃公會侯集空香閣看梅原韻

門已張羅雀不驚先生只愛看山行劇憐風雨三  
春過難得鶯花數日晴幾點開時荒徑杏一枝斜  
處淡煙橫誰家玉笛當樓起吹散濃香滿鄂城

登黃鶴樓

鄂渚曾聞唱大堤登樓一望遠含淒鷓鴣聲歇燁  
初暝鸚鵡洲空綠未齊漢樹久荒斜照冷故宮無  
處亂山低可憐銷盡興亡事剩有寒潮嚙鐵犀

留別石城公兼勸之東歸

廿載重逢鬢又霜客中話別屢沾裳只栽彭澤門  
前柳難覓成都屋後桑爛額已酬遺曲突補牢縱  
好嘆亡羊角巾里第還歸去莫漫悲歌戀楚鄉

渡黃河志感二首

議比宣房築舍多驚沙歲歲走黃河可憐堤上青  
青柳力盡中原奈爾何



全銷國計委泥沙剩有衰楊噪晚鴉何日安瀾稱  
底績春流無復漲桃花

過朝歌

千條沙柳接蒼山曉渡朝歌水一灣近喜土風還  
朴茂不知何處是桑間

過邯鄲題黃梁祠壁

從來將相與侯王總屬春風夢一場何事世人爭  
鹿鹿不辭辛苦逐黃梁

於陵行爲長山李君賦

昔人曾爲桃源記昔人亦作桃源行桃林夾岸雞  
犬靜此中歲月何堂堂以爲神仙或非是恍惚直

欲移滄桑世俗寧辨真與僞至今傳者疑荒唐於  
陵武陵地相似有水一區堪徜徉長山李君忻得  
之毋爲區脫私村量凸者爲墳凹爲池榛莽漸闢  
築短墻種桃灼灼蒸遠近櫛梨棗栗尤芬芳楸頭  
倒繫漁網集沿隄雜植柳千章欸乃一聲數峰碧  
舉網得鮮行壺觴村村穉穉賴東作樹樹蒲桃間  
西涼得安耕鑿已爲幸何況年年樂豐穰斯時儻  
有問津者不妨引之窮滄浪豈學避秦來此地但  
論漢魏俱茫茫始知盛世有高蹈只今便擬追羲  
皇

居易軒

丙寅初夏僦屋宣武門外庭有老椿二  
株卽新城祭酒王先生舊寓得樹堂也  
余囑年友朱子竹垞題爲居易軒客有  
誚余者曰昔顧况謂白樂天云長安米  
貴居大不易今子月粟一囊爨煙時時  
不舉猶以此名軒恐未免爲侏儒所笑  
余曰子知其一不知其二也君子居易  
俟命豈必食有萬鍾乎客笑而退遂成  
絕句二首書於壁間兼寄王先生

小窻濃綠恰初晴老樹空庭舊得名曾記漁洋吟  
好句也應百過藥欄行

王先生自題得樹堂云全  
將苔徑護百過藥欄行

插架空餘數卷書  
瓶中無粟任軒渠  
可知方朔金門住  
不似香山履道居

樸園四首爲前輩張子大賦

我愛樸園叟人傳仲蔚居  
蓬蒿沒澗徑麋鹿散煙墟  
欲種門前柳先觀濠上魚  
地偏心更遠雜坐擁

琴書

清門擅文采世有高軒家  
在滏河北荷鋤學灌園  
連村皆水竹倚棹似桃源  
揮手自茲去毋爲人境喧

如何謝康樂疏鑿費人工  
只此招提畔栽花滿數弓  
溪寒挂筇筍畫靜掩房櫺  
平子愁應洗扶筇興

不窮

舊圃今新闢茅齋恰數椽蛙鳴疑近沼鷺宿欲連  
拳移榻風微扇過墻酒滿船蒼生行屬望屐齒肯  
畱連

漫興四首

三載緇衣已化塵重來蕉鹿省閒身久拚避世曾  
無悶自謂論文獨有神晚節已能諳世俗浮名焉  
敢說交親好教穩向灘頭坐莫惜遭迴事事迤  
旋放疏簾整葛巾由他棋局逐時新性慵只愛拋  
書臥影瘦偏宜與鶴鄰三尺藤牀涼似水一杯重  
碧暖於春不隨鷄犬都飛去丹闕常畱病後身

懶向蓬萊苦問津，每於忙處作閒人。  
掃門詎肯隨流輩，學步原教讓後塵。  
但飲三杯祛俗慮，更無一事樂天真。  
清羸與世誠相棄，唯有爐煙鎮日親。  
玉局風流大有人，何緣畱取不貲身。  
鬢髻白髮平頭長，翠翟青山舉眼頻。  
甕少病春難計日，筇支衰疾已兼旬。  
羈棲忝竊終思補，只恐酬恩志未伸。

端陽

帝城風物又端陽，檢點囊空別醉鄉。  
懶性不知羞已拙，熱官何事笑人忙。  
難消澗草茸茸碧，欲覓釵符淡淡黃。  
最憶金魚池子畔，一灣濃綠染溪光。

題水村圖

舍南舍北響魚叉  
村柳陰濃靜不譁  
一曲鑑湖底  
用乞煙波隨處有生涯

鄒枚董賈氣憑陵  
鍊藥燒丹苦未能  
只愛蓬窓設  
漁具灘頭日日坐扳罾

奉和宗伯叔雨壇卽事二首

星壇乍啓日華東  
絳節霏霏煙柳中  
漸肅齋心宣  
室近旋看解澤  
帝庭通燔柴無事祈  
年禮瘞玉  
先收禱雨功  
莫道潛蛟容易鼓  
祠官今已竭微衷

蜀都賦潛蛟蟠沮  
澤應鳴鼓以降雨

壁薦蒼黃集桂宮  
坐聽鞀鞀響雲中  
渥垂虬蓋謹  
三輔香繞螭頭格  
上穹竝祭雨師隨  
太乙擬齋軒

后問空同傳來四野滂沱甚巷語猶堪祝歲豐

名見 瀛臺卽事

聽殘西苑曙鐘聲漸侶鵷鷺次第行碧殿影漾花  
霧濕僊璈音逐曉風輕參差柳色侵衣綠激灑波  
光潑眼明三載滄洲饒逸興重來清淺認蓬瀛

小遊僊詩十首

采芝蒸木當銷磨過眼雲煙委逝波一別清都纔  
幾日適逢銅狄又摩挲

真籙頻頒紫殿頭鼎邊雞犬一齊收玉清漫作瓊  
樓記洞府人間也要修

羣仙邂逅各徘徊滴露研朱豈易才袖得瑯嬛書



一卷逢人說是廣寒來

坎離安定火爐傍還向囊中覓禁方喫盡靈丹猶  
不化可憐平地鼠拖腸

藥榜從來次第呼如何鎮日守丹爐風流未必輸

蕭史一舸休教羨五湖

陶水公泛五湖後或云遂仙去

落盡松花掃石牀欲鐫丹誥擬華陽擘窠大字徒

勞寫香案何曾待玉皇

剪霞綻作五銖衣舞袖襍褻疾若飛莫卸星冠圖

五嶽洞中今召陸揆微

花陰闌寂石壇扃枉自飛符遣六丁鳥爪麻姑誰

得似難將書法比黃庭

種得芝田已漸荒，消梨火棗亦難嘗。  
不須更學餐霞訣，唯愛傳來辟穀方。

霓裳按罷羽衣輕，酌取流霞玉液清。  
莫羨吹簫王子晉，夜澗花底自彈箏。

高駢詩云：不知子晉緣何事，只學吹簫便得仙。

奉贈韓慕廬閣學

韓侯風骨絕塵埃，文章真起六朝衰。  
東馬嚴徐猶束筍，蟄雷一擊亡喧豗。  
駑駘敢思竝駕轡，韜直欲追龍媒。  
翻然出入凌閭闔，聲華冠蓋俱崔嵬。  
笑談砥柱障流俗，蒼茫瀛海狂瀾迴。  
細流百川鮮不納，宏鐘鞳鞳聲相推。  
昔昌黎際唐葉，藩鎮宰相紛疑猜。  
廷湊躡梁擁勁卒，狎犯巨鱈能恢恢。  
吁嗟

韓愈殊可惜絕憐謠詠爭蛾眉何如當今 聖人  
出拔濯盡登梁棟材韓侯東閣叅密勿若作鼎鼐  
資鹽梅曠懷每欲拔五嶽瀟灑寄託惟樽罍胸中  
絕無畦與町碧山夜夜燒潑醅銀河此夕玉繩轉  
針樓瓜果咸徘徊祝侯致君且堯舜黃花晚節相  
追陪

時閣學方  
舉壽觴

題張孝子傳後

孝子天津人流賊之亂手刃其妻負母  
縋城去妻亦復甦終得兩全蕭山朱培  
爲之作傳

青巾入市海雲黃熱血男兒鐵襖負母棄妻終

兩活至今日月有餘光

黑露

齊酒名

迂疎端合老林丘  
荷鍤還思秫米秋  
難得花前傾白墮  
且從醉裏問青州  
渴羗病後真潦倒  
狂校窮時但拍浮  
莫與淄澠辨高下  
祇須待黑可忘憂

讀史有感賦二絕句

羣公筆削更紛如  
誰向中間認魯魚  
熟讀周南太史記  
只疑封禪勝河渠

抵死何勞戀一官  
欲分黑白總難看  
馬牛莫謂無相及  
同傳從來是老韓

冬日書懷六首

歷遍羊腸過九秋驚心噩夢是瀛洲微官已自同  
三黜一錯何能鑄十州莫訝寅年終遇虎是歲屬  
丙寅  
得逢社日且犁牛閒來頗悟榮枯理耕鑿須將

帝力酬

顏衰齒豁鬢如霜豈合長叅侍從行事比畫蛇多  
著足人憐石火幾敲光鳳池縱好渾忘卻蟹舍重  
編自不妨爲報歸休真得計敢言宦拙少周防

風穴窻櫺氣懣悽地爐煨火日沉西平生慣笑拖  
腸鼠此日真成斷尾雞覆子難將殘局了扶鋤恰  
與老農齊明年布穀催春早努力還乘雨一犁

萬事全教付與天莫憑丹竈問因緣身如六鷁衝

風歲命比黃楊厄閏年

是年逢閏

頒朔遙傳新曆日行

厨只少舊餐錢著紅騎馬君休羨

白樂天詩云著紅騎馬是何人

羸得終朝祇醉眠

重過春明席未溫

余病起於四月間補官

忽逢鴛鴦變朝昏

藕絲牽路行常逼針孔藏身舌欲捫摘蒂已知將

抱蔓

同舉五十人未及數年除告歸及罷免物故者纔畱數人矣

刈蘭何必定

當門年來差解尊鱸味高臥滄江卽

主恩

綺語從今已盡芟

秋間賦小游仙詩十首頗涉諧笑

逢人休說舊

頭銜謀生似較鳩才拙築壘浚漸燕語喃爲愛漁

竿投白水肯隨從事著青衫半篙新漲年年綠歸

去春風飽布帆

白田侍讀歸舟風雪滿天囑余爲圖兼題

斷句時余偕侍讀被放也

數載銅龍共夕屏同時遷謫淚沾衣不知風雪關  
何事也傷孤臣逐客飛

丙寅除夕

春風管領是明朝楫楸難煨髻雪消檢盡曆頭嗟

過隙聽殘街鼓畏嚴譙

陸放翁詩鬢髮點數嚴譙鼓

駭機觸處

心猶悸薄祿拋時興轉饒一盞屠蘇眠較穩斷無  
清夢到煙霄